

LO LIMOUJAUDO

FANTAILLO

MUSICO ET PORAULAS DE PAULI CHARREIRO

Lo Bolâdo, glorio dau Poïs.

Te! te! te! te! bouei-ou!

N'autreis tous, bous Limoujàus,
Nous fan ane notro bolâdo :

D'un chant de Champolimàu
Vans vous boliâ 'no regolâdo.

Limoujàus, notre poïs
Qu'ei lou pû brave de lo Franco :

Lous cœurs l'y soun rejàuvís
D'un Ceù plosen dî l'oboundanço.

De notras jentas Cotissous

Re ne vâu lous goletous.

Coum' a lo primo lou soulei

Lour beuta nous fâi plosei.

L'aïgo puro mai l'er vî

Cubren de flours notras mountagnas.

Si nous beven pàu de vi,
Nous sobouren notras chatagnas.

Si lou boun Dî voulio tournâ ,

Per se l'endre lou mier fa

Sirio châ lous Limoujàus

Ou be châ lous Saint-Juniaüs.

A-houro, Porisiens molis,
Belèu disei : « Is fan lour brenno ! »

— « Qu'ei segur ; e nous plo fis!

Nous vous venden lo porceleno.

Sei quoqui, que vous rend jolous,

Vous minjoriâ dî lous panlous.
Perque vous troubâ, quand fâi fre,
Notre châud druguet,
Si v'àutreis ne volei pas
Possâ per trop bobulas,
Cresei-n'en notreis chants,
Nous soun de bous efants. »

Lo Trincado.

Omis, quei plosen de chantâ,
Mâ quo me raclio lo courniolo,
Mo fe! per so pîto santa,
Que chacun deicoueiffe 'no fiolo :
Jomâi n'yo pu brave couplet
Que lou trintrin dau goubelet.

Pourtâ doun queu vi tout de fe.
Per beur' ente fau-quo qu'ane ?
Quand n'en beve, leche moun de ;
Pode bromâ coumo' n' âne ;
Queu vi filo dî moun parpâi
'No cholour que trobaillo :
Lo ne, si beve un co de mài,
Crese que lou soulei rayo.

A tablo ! lou moumen ei vengu :
Lous pitits bes sirant dau degu.

Lou Brejou.

Chiâli, Liaunossou,
Pebren lou rogou ;
Panchei, per causei lou brejou,
Buffo so braso morto.
Veiqui Pijoulet !
A ! queu boun home
Sur soun echino pourt' un barlet
Aveque 'no ridorto.

Aïdo-li ,

Motholi

Moun omi.

T'as l'eichino pu forto ;

Aïdo-li pourtâ !

Au ne po pû nâ.

Dau vi de Varnei !

Quàu repâ de rei !

Mâ tout-a-houro comm'un brusei

Sente virâ mo teito.

Si bev' un pàu tro ,

Mo fe, que fâi-quo?

Per moun armo! de beure un co

Quo ren fi lou pu beítio.

Mâ qu'ei prou trincâ :

A-houro faut dansâ.

Boujâ, boujâ :

Per trincâ

Lo santa

N'y o plaço dî mo boueitio.

Quand sâi si countent ,

Quo vâut de l'arjent.

Lo Bourco.

Deja las chobretas

Fan brundî lo boureo

Per sautâ dî lous pras

Coumo de las chobras.

L'auseü chant' au boueissou

Lo fi de lo pipeo.

Lou rî sur lou gozou

Gozouillo so chansou.

Sàuto, Margàu :

Te bolioran lo palmo ;

Sàuto, Margàu :
De tous tu seis lou jàu.
Mâ de plosei
Mo viv' ardour se calmo :
Notre soulei
Deù chobâ notro nei.
Qu'ei lo douç' omïta
Que me rest' a chantâ.

Lo Flour de l'Amo.

Flour de lo vito,
Mignard' omïta,
Dî moun cœur habito
To felicità
Tu liguâ l'a amas
D'uno liguo d'or ;
Ente soun tas flammass
Se troub' un tresor.
Si sente 'no peno ,
Tu lo gorisseis ;
Quand mo joïo ei pleno ,
Tu lo partisseis.
O crêmo de flours ,
Embàumo mous jours ;
Vertu sento, per to mo mena ,
Moun chomi po nâ
Sei crento.
Sia notro màï , sia notro sor ;
Couso lous cœurs en dun fiàu d'or.
Bouno ne !
Qu'ei be prou per ane !
Boun sei , v' àutreis, boun sei
Jusqu'a 'n'àutro ve !